


LE LAEUP ET L'EGNET



Un p'tit égnét tout jéune et ben boudet
Était à beire de l'ieau dans un failli ruset.
Tout d'un coup arrivit su lu un gros laeup
Qu'étaït si quervé de faim
Qu'ses yeux naïrs li en berluettint.
I li dit : "T'es ben hardi
De baïre et de sali l'ieau là qu'est à mé."
Le failli p'tit égnét li dit : « Mossieu l'laeup,
J'savais pâs qu'étaït vot'ruset,
J'creyais que de beire dedans,
Tout le monde en avait le dret.
Mais j'n'ai pas fait grand mâ,
Et i vous en d'meure core ben assez comme ela. »
« J'te dis que nouna! » huchit la maovaise beïte.
« Et pis, j'sais ben qu'y a hardi d'temps
De mé, tu ne dis que du mâ ! »
« Pas mé tourjou ! » répondit l'égnét.
« Je tête core ma berbïis de mère. »
« Et ben si n'est pas té,
C'est vantié ben ton frère.
Mais anet est té qui va payer ! »
La d'ssus le laeup crochit l'agnét,
Le menit au fond des boés
Oyous qu'il le rouchit sans qu'on s'en avisit.

